



Beasaingo Udala

Beasainen, bi mila eta hemezortziko urtarrilaren hogeita bian

BILDURIK

Alde batetik, BEASAINGO UDALA, Aitor Aldasoro Iturbe, jaunak ordezkatuta, Beasaingo Udalaren Alkate-lehendakaria, Toki araubidearen oinarriak erregulatzen dituen apirilaren 2ko 7/1985 legearen 21. artikulua.

Bestetik, AIZKORRI MENDIZALE ELKARTEA (N.I.F.: G20318275), Francisco Javier Pedrosa Redondo jn. (NA 15959535-L) Aizkorri Mendizale Elkartearen lehendakariak ordezkatuta, 2017ko azaroaren 17ko batzar orokorrean hartutako erabakiaren arabera.

AURREKINAK

I. Aizkorri Mendizale Elkarteak giza jarduera aski ezagunak egiten ditu, batik bat gazteekin eta hirugarren adinekoekin.

II. Aizkorri Mendizale Elkarteak kultur sustapenean biziki laguntzen du, urtean zehar hainbat jarduera programatuz.

III. Aizkorri Mendizale Elkarteak ingurugiro-hezkuntzako jarduera aipagarriak eta aldi berean mendizaletasunari buruzko kirol-praktikan oinarrituriko lanak egiten ditu.

IV. Hitzarmen honen helburua Aizkorri Mendizale Elkartearen eta Udalaren arteko harremana erregulatzea da, 2018. urtean zehar hainbat jarduera desberdin egiteko.

BALDINTZAK

LEHENA.- Aizkorri Mendizale Elkarteak, Loinatz jaietan, Argizpi Argazkizale Elkartearekin Argazki-lehiaketaren eta erakusketaren antolakuntzan laguntzeko konpromisoa hartzen du.

BIGARRENA.- Aizkorri Mendizale Elkarteak, 20 ohiko mendi irteera, antolatu eta ordaintzeko konpromisoa hartzen du. Horietako bat Pirinioetara egingo du asteburu pasa. Horietaz gain, eskolarteko mendi-batzordearekin batera 13 goizeko irteera egingo dira. Bestalde, Beasaingo Jubilatuko egoitzarekin batera, jubilatuentzako zenbait mendi irteera eta Martxa neurtu bat antolatuko ditu. Ekainaren 10ean Tomas Salazar VIII. edizioa antolatuko dute. Horretaz gain, uztailaren 13, 14 eta 15ean, Arrakasta mendi elkarteak antolatu duen "Ehunmilak" proban kolaboratzaile moduan hartuko du parte eta otsailaren 18an Arangoiti zaharren egoitzara bisita egingo dute, bertakoak meriendarekin eta dantzaldiarekin gozatuz. Herriko festetan ere, Toka eta Igela lehiaketa antolatuko dute eta Danborradan eta Gastronomía lehiaketa hartuko dute parte. Aldi berean mendi eta naturari buruzko diapositiba eta pelikulen emanaldiak eskainiko dira hainbat ostiraletan; mendizale txikien irteeretan jarduerak antolatuko dira (mendi-orientazio, jokoak, auto-babesa ekintzak, argazkigintza, e.a.); era berean, finalistaren egunaren antolaketa hartuko du bere gain (guztia aurkeztutako urteko egutegiaren arabera).



HIRUGARRENA.- Beasaingo Udalak jarduera horien antolaketarako **5.500,37 €** emanek lagunduko dio. Ordainketa zerga eta gizarte segurantzako betebeharretan eguneratuta dagoela kreditatu ondoren, urtean bi aldiz egingo dira likidazioak 3.400,37 € apirilean eta 2.100 € urrian.

Udalak ematen duen diru-laguntza bateragarria izango da helburu berdinetarako elkarteak jasotzen dituen beste laguntzekin. Jasoz gero, ezagutu bezain pronto, Udalari jakinaraziko dio eta horrek hitzarmena berrikustea ekarriko du.

Dirulaguntzen Lege Orokorraren 13. artikuluan xedatutakoaren arabera, AIZKORRI MENDIZALE ELKARTEAK egiaztatu beharko du ordaindu beharreko zergak, gizarte-segurantzakoak barne, egunean dituela.

LAUGARRENA.- Aizkorri Mendizale Elkarteari dagokio hitzarmendutako jardueri beharrezkoa den publizitatea egitea eta Beasaingo Udalaren laguntza (eta logotipoa) aipatzea beraiek antolatutako jardueri buruz egiten dituzten prentsarako ohar guztietan. Era berean, leku duin eta ikusgarrian aipatu beharko dira Beasaingo Udalaren laguntza, kartel, aldizkari, esku-egitarau, e. a., motatako zabalkunde-bitartekoak erabiltzen direnean.

BOSGARRENA.- Hizkuntz Politikako irizpideak jarraituz, idatziz sortzen diren material guztietan (kartel, diptiko, eskuliburu, apunte etab.) euskarari lehentasuna emango zaio eta materialen zirriborroak inprimategira eraman aurretik Udaletxera ekarriko dira testuen hizkuntz egokitasuna eta proportzioen zuzentasuna ziurtatzeko. Aurkezpenetan eta antzekoetan ere euskarak lehentasuna izango du.

SEIGARRENA.- Aizkorri Mendizale Elkartea, publizitate bidez finantzatuko dituen diptiko edo beste edozein inprimakiren kasuan, dendariak euskarazko publizitatea eros dezaten ahaleginduko da eta, bestela, publizitatea bietara jasotzeko ahalegina egiteko konpromisoa hartzen du.

ZAZPIGARRENA.- Udalak hizkuntzari dagozkion arlo guztietarako bere laguntza eta lankidetzak eskainiko ditu.

ZORTZIGARRENA.- Beasaingo Udalak beharrezkoak diren Udal zerbitzuak eskaintzen jarraituko du, esandako jarduerak ongi burutuko direla ziurtatzeko eta horien antolaketak gainbegiratu ahal izango du.

BEDERATZIGARRENA.- Beasaingo Udalak Aizkorri Mendizale Elkarateak aurkeztutako kontuan hitzarmendutako zenbatekoa sartuko du jarduera burutu baino lehen, eta Aizkorri Mendizale Elkarateak urtea amaitu baino lehen udalaren esku utzi beharko du ondorengo dokumentazioa:

- a) **Jardueren azalpen memoria, bertan ekitaldi guztietan egindako hizkuntz erabilpenaren berri zehatza eta arrazoitua emanek.**





Beasaingo Udala

- b) Fakturak edo eskuratutako dokumentuak, ahal bada originalak, edota fotokopiak, egindako gastuen egiaztagarri.
- c) Idatziz sortutako materialaren ale bana aurkeztu beharko ditu.

HAMARGARRENA.- Aizkorri Kultur Elkartek bere partaidetza beharrezkoa den beste edozein ekitalditan lagunduko du eta ahal duen neurrian kultur mahaian.

HAMAIKAGARRENA.- Hitzarmen hau betetzeari dagokion guztirako, Aizkorri Mendizale Elkartek, Alkatetzak honetarako izendatzen duen pertsona edo pertsonekin izango ditu zuzeneko harremanak.

HAMABIGARRENA.- Emakumeen eta Gizonen Berdintasuna babesteko klausula. Elkarrekin berdintasuneko irizpideak (Otsailaren 18ko 4/2005 Legea, Emakumeen eta Gizonen Berdintasunerakoa eta hau aldatzen duen otsailaren 16ko 3/2012 Legea) kontuan hartuko dituzte bai elkartearen barruan bai eta sustatzen dituzten proposamenak gauzatzeko garaian ere.

HAMAHIRUGARRENA.- Datu pertsonalak babesteko klausula.

- A. 1999ko abenduaren 13ko 15/1999 Lege Organikoan (DBLO) ezarritakoa betez, alegia, Datu Pertsonalak Babestekoan, alde bakoitzak erasandakoen baimen informatua lortzeko ardura izango du, hain zuzen ere, hitzarmen honen xede diren jardueren garapenean beharrezkoak diren beren datu pertsonalen tratamendurako. Era berean, alde bakoitzak hitzarmen honen xede diren jardueren garapenean erabilitako datu pertsonalen konfidentzialtasuna bermatzeko ardura izango du.
- B. Elkarrekin Beasaingo Udalarik datu pertsonalen lagapena eginez gero, uneoro, beren datu pertsonalak lagatzeko erasandakoen baimen informatua duela bermatu beharko du.
- C. Alde bakoitzak egin litzakeen indarrean dagoen datuak babesteko araudi honen ez-betetzeetatik letozkeen ardurak bere gain hartuko ditu

HAMALAU GARRENA.- Aurreko edozein baldintza behar bezala ez betetzeak hitzarmen hau berrikustea ekarriko du.

HAMABOS GARRENA.- AIZKORRI MENDIZALE ELKARTEA (N.I.F.: G20318275) baimena ematen dio espresuki BEASAINGO UDALARI, Gipuzkoako Foru Aldundiko Ogasun eta Finantza Departamentutik eskura dezan, hitzarmen honetan aipatzen den ORDAINDU BEHARREKO ZERGAK EGUNEAN IZATEAREN baldintza betetzen duela egiaztatzen duen agiria:

☒ BAI

☐ EZ

Eta esandako guztia onartu egonik, bildutako dokumentu hau urte baterako sinatu dute bikoizturik, goiburuan aipatutako data eta lekuan.

